



## Spëisa da zacan



Idiom: Gherdëina  
Meludia: Friedrich Senoner  
Test: Friedrich Senoner  
Ann de publicazion: 2001

Ne n'iel pa nia zeché de bon, spëisa da zacan?  
Zeché de drët per j magón canche l à na drëta fam.  
N rezet che nes ie unì da ntlëuta tramandà  
da ch'la scura cësadafuech ulache l univa sfumià.

Y perchël chi che uel po' mo al didancuei maië sciche n iede,  
mé per dì papaciuei, jopa arrestida bele daduman,  
pan de siela gramblà su uni di dut l ann.  
Crojul, rabescitl bele da mesdì,  
bales y panicia, ma mé vel' di,  
crafuncins da tlozes y de tei nioc, de chëi nia massa n grum,  
fava y fersëiles canche l ie gajun.

Chëi che ne à mo mei ciarcià, ne à mo mei sapù  
cie che l uel dì avëi maià zeché che tën pasciù,  
y sce tlo se à truep mudà y n maia for miëur,  
a ch'la spëisa da zacan lascëi ch'la bona sëur.

Y perchël bele n iede, chël savons,  
ovi dut tan san, farina de furmenton,  
spëisa de segosta ora dla salmueia  
y mei ne manciova pa n criedl de bona ueia,  
tëurta da la' vërt, datrai n bon crafon  
canche l fova nzaul segra n valgon,

y datrai dan jì a durmì y per no maië pesoch,  
jufa, puessl, n taier de jopa da cioch.